



Jumat, 10 Februari 2023

Ogen: Pengerana 9:9



Rasken Ngenanamisa



Lit sada lagu Karo si cukup popular bas paksana. *Senang ras mesera ras kita duana, pagit ras tebuna ras ngenanamisa, ula pagi mosar janji si puduni...kam sikuarapken teman metua..* Adi sibayangken kata-kata enda jadi tentuna meriah kal si akap nggeluh, tapi la kap bage buen kinata geluh. Bas wari-wari enda siidah nge maka nterem jelma *habis manis sepah dibuang*. Tentu saja si e mpeturah kecedan ate bas sada pihak, ntah pe dua mbelahsa. Uga maka bage? Padahal adi tangtangna mbarenca si ngenan kal nge kita ras teman geluhta maka tudu kita ras ia? Lit nge hal-hal si man pekenan gelahna tuhu-tuhu bas nggeluhkan geluh enda, ngkayuhkan perjabun enda la ngenca kita si sada tapi ras min ngenanamisa?

Pesenanglah dirindu ras ndehara kekelengenndu.....pesenanglah dirindu tep-tep wari, bage me pedah Pengerana. Lit dua hak si iturikenna si jadi kunci njagai kiniersadan bas jabu, eme kekelengen ras konsistensi. Mustahil banci ersada adi kekelengen e la lit ntah nggo luntur bas jabuta. Ban dekah umur perjabun enggo sitandai kualitas luar dalam pasangenta megati kita nggo kurang mehangke man perbulangen. Defenisi kepatuhen ndehara ras tanggungjawab perbulangen enggo lanai jelas. Padahal kekelengen ndehara teridah arah kepatuhenna man perbulangen. Bagepe kekelengen perbulangen teridah arah tanggungjawabna man keluarga. Kai pe siibahan ibas perjabun e arus min erpalasken kekelengen si badia. Si peduaken, isuruh pengerana kita menikmati kebersamaanta ras teman geluh e tep-tep wari. Adi kitab Mazmur ngatakenca maka *malem ate kalak si keriahenna matuhi undang-undang Tuhan dingen ngukurisa suari ras berngi*. Jabu si ngerasken persadanna ras Tuhan ijanjiken Tuhan desken batang kayu si turah itepi lau anak, erbuah bas paksana. Konsisten ibas ncikep perpadanen, ndalani perjabun ertina tetap lit carata silakoken ras-ras gelah radu ras ermeriah ukur, subuk i bas paksa susah ras senang, sehat ras sakit paksa meriah ras paksa ceda ate. Tetap berusaha seh Dibata si nirangkenca, ula menyerah.

Adi meter atendu erdalanlah sisada, adi erdalan ndauh atendu buatlah